



МОНГОЛ УЛСЫН ИХ СУРГУУЛИЙН  
ЗАХИРЛЫН ТУШААЛ

2020 оны 04 сарын 14 өдөр

Дугаар A/82

Улаанбаатар хот

Г Бакалаврын өдрийн хөтөлбөрт 2020 онд оюутан элсүүлэх журам батлах тухай

Дээд боловсролын тухай хуулийн 11.3, 12.1.6, Боловсрол, соёл, шинжлэх ухаан, спортын Сайдын 2013 оны А/79 дүгээр тушаалаар батлагдсан "Оюутан элсүүлэх журам"-ын 1.2, МУИС-ийн Дүрмийн 4.3.1, 4.3.8.8, 6.4 дэх заалт, МУИС-ийн Захиргааны зөвлөлийн 2020 оны 04 дүгээр сарын 07-ны өдрийн хурлын тэмдэглэлийг тус тус үндэслэн ТУШААХ нь:

1. "Монгол Улсын Их Сургуулийн бакалаврын өдрийн хөтөлбөрт 2020 онд оюутан элсүүлэх журам"-ыг хавсралтаар баталсугай.
2. Энэхүү тушаал гарсантай холбогдуулан элсэлтийн бодлого, журам сурталчлах, таниулах ажлыг зохион байгуулахыг Элсэлт, бүртгэлийн хэлтсийн дарга /М.Итгэл/, Мэдээллийн технологийн газрын дарга /А.Баатарбилэг/ нарт тус тус үүрэг болгосугай.
3. Энэхүү журмын дагуу элсэлтийн үйл ажиллагааг зохион байгуулахыг Элсэлт, бүртгэлийн хэлтсийн дарга /М.Итгэл/, Мэдээллийн технологийн газрын дарга /А.Баатарбилэг/, бүрэлдэхүүн болон салбар сургуулийн захирлууд /Д.Заяабаатар, Н.Баатарбилэг, Ч.Энхбаяр, Ж.Эрдэнэбулган, С.Баттулга, Д.Алтанхуяг, Т.Энх-Амгалан/ нарт тус тус даалгасугай.
4. Элсэлтийн үйл ажиллагааны явц, үр дүн, журмын хэрэгжилтэд хяналт тавьж ажиллахыг Сургалт, оюутан хариуцсан дэд захирал /Б.Очирхуяг/-д үүрэг болгосугай.
5. Захирлын 2019 оны 04 дүгээр сарын 05-ны өдрийн А/138 дугаар тушаалын хавсралтаар батлагдсан "Монгол Улсын Их Сургуулийн бакалаврын өдрийн хөтөлбөрт 2019 онд оюутан элсүүлэх журам"-ыг хүчингүй болсонд тооцсугай.

ЗАХИРЛЫН ҮҮРЭГ  
ГҮЙЦЭТГЭГЧ



Я.ТӨМӨРБААТАР

3340300817

Захирлын 2020 оны 04 дүгээр сарын .....-ны  
өдрийн дугаар тушаалын хавсралт

УХД00729104209

14

## МОНГОЛ УЛСЫН ИХ СУРГУУЛИЙН БАКАЛАВРЫН ӨДРИЙН ХӨТӨЛБӨРТ 2020 ОНД ОЮУТАН ЭЛСҮҮЛЭХ ЖУРАМ

### Нэг. Ерөнхий зүйл

- 1.1. Монгол Улсын Их Сургууль (цаашид МУИС гэнэ)-ийн бакалаврын өдрийн хөтөлбөрт 2020 онд оюутан элсүүлэхэд Монгол Улсын "Дээд боловсролын тухай хууль", Боловсрол, шинжлэх ухааны сайдын 2013 оны 03 дугаар сарын 18-ны А/79 тоот тушаалаар батлагдсан "Оюутан элсүүлэх журам", Боловсрол, соёл, шинжлэх ухаан, спортын сайдын 2018 оны 04 дүгээр сарын 06-ны өдрийн А/194 тоот "Журамд нэмэлт, өөрчлөлт оруулах тухай" тушаал, Засгийн газрын 2014 оны 71 дүгээр тогтоолоор баталсан "Дээд боловсролын сургалтын байгууллагад суралцагчид суралцагчдад суралцагчийн тэтгэлэг олгох журам" бусад холбогдох эрх зүйн акт болон энэхүү журам (цаашид журам гэнэ)-ыг баримтална
- 1.2. МУИС-ийн бакалаврын өдрийн хөтөлбөрт элсэхээр хүсэлт гаргасан иргэнийг "бүртгүүлэгч", элсүүлэх оюутны тоог "хяналтын тоо", хяналтын тоонд багтан элсэх эрхээ баталгаажуулсан бүртгүүлэгчийг "элсэгч", элсэлтийн цахим бүртгэлийн системийг "элсэлтийн систем", элсэлтийн үйл ажиллагааг зохион байгуулахаар томилогдсон ажлын хэсгийг "элсэлтийн комисс" гэнэ.
- 1.3. МУИС-ийн бакалаврын өдрийн хөтөлбөрт Улаанбаатар хот болон орон нутгаас элсүүлэх элсэгчийн хяналтын тоог Удирдах зөвлөл тогтооно.
- 1.4. Элсэлтийн журам, бүрэлдэхүүн сургуульд элсэх хөтөлбөр, элсэлтийн ерөнхий шалгалт (ЭЕШ)-ын оноо тооцох болон холбогдох бусад мэдээллийг <https://burtgel.num.edu.mn> элсэлтийн системд байршуулна.
- 1.5. МУИС-д гадаадын харьят иргэнийг элсүүлэх асуудлыг "МУИС-д гадаадын иргэнийг суралцуулах журам"-аар зохицуулна.

### Хоёр. Элсэлтийн комисс

- 2.1. МУИС-ийн элсэлтийн комиссын дарга нь Сургалт, оюутан хариуцсан дэд захирал, нарийн бичгийн дарга нь Элсэлт, бүртгэлийн хэлтсийн дарга, гишүүд нь Мэдээллийн технологийн газрын дарга, Бүрэлдэхүүн/салбар сургуулийн захирал, Санхүү, төлөвлөлтийн газрын дарга, Элсэлт, бүртгэлийн хэлтсийн элсэлт хариуцсан мэргэжилтнүүд байх ба МУИС-ийн захирлын тушаалаар томилно.
- 2.2. Комиссын дарга элсэлтийн ажлыг удирдлагаар хангаж, тухайн журмаар зохицуулагдахгүй асуудлыг бүрэлдэхүүн/салбар сургуулийн саналыг үндэслэн комиссын хурлаар хэлэлцэж, шийдвэрлэнэ.

### Гурав. Бүртгүүлэгчдэд тавих шаардлага

- 3.1. МУИС-д элсэхийг хүссэн иргэд энэхүү журамтай танилцаж, элсэлтийн системд бүртгүүлнэ.

- 3.2. Бүртгүүлэгч нь Боловсролын үнэлгээний төв (БҮТ)-өөс зохион байгуулдаг элсэлтийн ерөнхий шалгалт (ЭЕШ) өгсөн хот, орон нутагтаа өрсөлдөнө.
- 3.3. Бүртгүүлэгч нь МУИС-ийн Шинжлэх ухааны сургууль (ШУС), Хэрэглээний шинжлэх ухаан, инженерчлэлийн сургууль (ХШУИС), Бизнесийн сургууль (БС), Хууль зүйн сургууль (ХЗС), Олон улсын харилцаа, нийтийн удирдлагын сургууль (ОУХНУС), Эрдэнэт сургууль (ЭС), Завхан сургууль (ЗС)-аас сонгож бүртгүүлнэ. Шинжлэх ухааны сургуулийн хувьд Байгалийн ухаан, Нийгмийн ухаан, Хүмүүнлэгийн ухааны салбараас сонгоно. Бүртгүүлэгч өөрийн хүсэлтээр хэдэн ч сургуульд бүртгүүлж болно.
- 3.4. Бүртгүүлэгч нь Боловсролын үнэлгээний төв (БҮТ)-ийн хүчинтэй батламжтай, эсвэл 2020 онд ЭЕШ өгөхөөр БҮТ-д бүртгүүлсэн байна. Бүртгүүлэгч нь МУИС-ийн оюутан бол бүртгүүлэх боломжгүй.
- 3.5. Гадаад оронд ерөнхий боловсрол өзэмшсэн Монгол улсын иргэн БСШУЯ-ны 2013 оны 03 дугаар сарын 18-ны А/79 тоот тушаалаар баталсан "Оюутан элсүүлэх журам"-ын 7.1.4-д заасныг баримтална.

#### **Дөрөв. Элсэх хүсэлт гаргах**

- 4.1. МУИС-д элсэхийг хүссэн иргэд орон даяар, цахим хэлбэрээр <https://burtgel.num.edu.mn> элсэлтийн системээр бүртгүүлнэ.
- 4.2. Бүртгэлийг 2020 онь 06 дугаар сарын 01-ний өдрийн 09:00 цагт нээж 07 дугаар сарын 06-ны өдрийн 12:00 цагт хаана.
- 4.3. Бүртгүүлэгч нь элсэлтийн системд БҮТ-ийн системд бүртгүүлсэн бүртгэлийн дугаар, нууц үгээ ашиглан нэвтэрнэ. Системд шаардлагатай мэдээллээ үнэн зөв оруулан баталгаажуулна.
- 4.4. Бүртгүүлэгч нь элсэлтийн системд оруулсан мэдээллийн үнэн зөв байдлыг өөрөө хариуцах ба алдаатай, буруу мэдээлэл оруулснаас үүсэх асуудлыг МУИС хариуцахгүй.
- 4.5. Элсэлтийн системд нэвтрэх эрхтэй болсны дараа элсэх хүсэлт гаргах бүрэлдэхүүн/салбар сургуулиа (Журмын хүснэгт 1-ээс үзнэ) сонгон бүртгэлийн хураамжийг цахим хэлбэрээр төлж баталгаажуулна. (Төлбөр төлөх тухай дэлгэрэнгүй зөвлөмжийг элсэлтийн системээс үзнэ).
- 4.6. Бүртгэлийн хураамжийг нэг удаа төлж хэдэн ч бүрэлдэхүүн/салбар сургуульд бүртгүүлэх боломжтой. Бүртгэлийн хураамжийг Удирдах зөвлөлөөс баталсан "Үйлчилгээний бусад хураамжийн хэмжээ"-д заасны дагуу авна. Бүртгэлийн хураамжийг буцаан олгохгүй.

#### **Тав. Элсэгчийг шалгаруулах**

- 5.1. Элсэлтийн бүртгэл хааснаас 1 өдрийн дараа системд бүртгүүлэгчийн ЭЕШ-ын дүн, мэдээллийг БҮТ-өөс татан авч, холбогдох тооцооллыг хийн онооны жагсаалтыг бүрэлдэхүүн/салбар сургуулиар гаргана.
- 5.2. Бүртгүүлэгчийн оноог дараах байдаар тооцно. "Суурь" шалгалтад тооцохоор заасан хичээлээс хамгийн өндөр оноо авсан шалгалтын оноог 0.7, "Дагалдах" шалгалтад тооцохоор заасан хичээлээс хамгийн өндөр оноо авсан шалгалтын оноог 0.3 -аар үржүүлж нэмсэн нийлбэрээр тооцоолсон оноог бодно. Тооцоолсон оноо нь МУИС-ийн Улаанбаатар дахь бүрэлдэхүүн сургуулийн хувьд 480 оноо, Завхан сургууль, Эрдэнэт сургуулийн хувьд

БСШУСЯ-аас баталсан их, дээд сургуульд элсэгчдийн хангасан байх босго онооноос багагүй байна.

- 5.3. Оноо тэнцсэн тохиолдолд ЭЕШ-ын гүйцэтгэлийн хувийг тооцон байр эзлүүлж, элсэх эрх олгох ба гүйцэтгэлийн хувь тэнцвэл <sup>1117144746</sup> боловсролын гэрчилгээний дундаж оноог харгалзана. ЭЕШ-ын гүйцэтгэлийн хувийг тооцоходоо 5.2-т заасан аргачлалын дагуу тооцно.
- 5.4. Тооцох “Суурь” болон “Дагалдах” шалгалтын оноо МУИС-ийн Улаанбаатар дахь бүрэлдэхүүн сургуулийн хувьд тус бүр 480 онооноос багагүй, Завхан сургууль, Эрдэнэт сургуулийн хувьд БСШУСЯ-аас баталсан их, дээд сургуульд элсэгчдийн хангасан байх босго онооноос багагүй байна. Суурь шалгалтад тооцуулсан хичээлийн оноог дагалдах шалгалтад давхар тооцуулахгүй.
- 5.5. Бүртгүүлэгч нь сүүлийн 2 жилийн дотор дараах шаардлагыг хангаж байвал шилдэг элсэгч гэж үзэн олимпиад, англи хэлний олон улсын шалгалт, Кембрижийн олон улсын шалгалт, спортын тэмцээн зохион байгуулах комиссоос олгосон батламж, сертификат болон баримт бичигт үндэслэн хяналтын тоонд багтаан элсүүлнэ. Үүнд:
- 5.5.1. БСШУСЯ-аас тогтоосон Олон улсын олимпиадад оролцож 1-ээс 3-р байр эзэлсэн, Улсын олимпиадад оролцож Хүснэгт 2-т заасан нөхцөлийг хангасан ерөнхий боловсролын сургуулийн төгсөгчийг тухайн чиглэлээр шууд элсүүлнэ.
- 5.5.2. Англи хэлний олон улсын шалгалтын IELTS 5, TOEFL iBT 35, TOEFL PBT 500, TOEIC 685-аас дээш оноотой бүртгүүлэгчдийг гүйцэтгэлийн хувиар жагсаан <sup>1</sup>, эхний 3 байр эзэлсэн бүртгүүлэгчийг ШУС-ийн ХУС-т шууд элсүүлнэ.
- 5.5.3. Кембрижийн олон улсын AS (A) түвшний шалгалтын b (B) -ээс дээш оноотой бүртгүүлэгчдийг сургууль бүрт шалгалт өгсөн чиглэлээр нь онооны дарааллаар жагсаан, эхний 3 байр эзэлсэн бүртгүүлэгчийг шууд элсүүлнэ.
- 5.5.4. Спортын өндөр ур чадвартай бүртгүүлэгчдээс комисс 5 хуртэлх бүртгүүлэгчийг шалгаруулан гэрээ байгуулж ШУС-ийн БУС, ХШУИС-д элсүүлж болно (Олимп, тив, дэлхийн тэмцээнээс медальт болон шагналт байранд шалгарсан, улсын өсвөр үеийн, улсын идэрчүүдийн аварга шалгаруулах тэмцээнд медальт байранд шалгарсан).
- 5.6. Шилдэг элсэгч нь тухайн бүрэлдэхүүн/салбар сургуулийн суурь болон дагалдах шалгалтад тооцохоор заасан хичээлүүдээс ЭЕШ өгсөн байх ба МУИС-аас тавих ЭЕШ-ын босго оноог хангасан байна.
- 5.7. МУИС-ийн Байгаль эх лицей сургуулийн төгсөгчийг тухайн бүрэлдэхүүн/салбар сургуулийн суурь болон дагалдах шалгалтад тооцохоор заасан хичээлүүдээс ЭЕШ өгч, МУИС-ийн онооны босго хангасан бол ШУС, ХШУИС-д шууд элсүүлнэ.
- 5.8. 5.5-5.7 дахь нөхцөлийг хангасан бүртгүүлэгч “Олимпиад”, “Англи хэлний олон улсын шалгалт”, “Кембрижийн олон улсын шалгалт”, “Спортын ур чадвар”, “Байгаль эх лицей” гэсэн ангиллаас сонгон бүртгүүлж, журмын 4.5-д заасан бүртгэлийн хураамж төлнө.

<sup>1</sup> Шалгалт бүрийн хамгийн дээд оноог 100 хувь гэж үзэн авсан оноог хувьд шилжүүлснээр гүйцэтгэлийн хувь гарна.

## Зургаа. Элсэх эрх олгох


- 6.1. Элсэх эрх олгох үйл ажиллагааг орон даяар цахим хэлбэрээр <https://burtgel.num.edu.mn> хаягаар явуулна.
- 6.2. Бүртгүүлэгч хяналтын тоонд багтсан эсэхээ онооны жагсаалт гарсны дараа элсэлтийн системд нэвтэрч шалгана.
- 6.3. Шилдэг элсэгч болон Байгаль эх лицей сургуулийг төгссөн бүртгүүлэгч нь тухайн нэхцэл хангасныг гэрчлэх бичиг баримтын эх хувийг бүртгэлийн хугацаанд ажлын цагаар Элсэлт, бүртгэлийн хэлтэст авчирч бүртгүүлэн заасан хугацаанд элсэх бүрэлдэхүүн/салбар сургуулийн ерөнхий суурь хөтөлбөрийн 1 багц цагийн төлбөрийг төлж элсэх эрхээ баталгаажуулна.
- 6.4. Элсэх эрх олгох үйл ажиллагааг 2020 оны 07 дугаар сарын 10-ны өдрийг дуустал зохион байгуулна.
- 6.5. Хэд хэдэн бүрэлдэхүүн/салбар сургуулийн хяналтын тоонд багтсан элсэгч нь зөвхөн нэг бүрэлдэхүүн/салбар сургууль сонгох ба бусад бүрэлдэхүүн/салбар сургуулийн хяналтын тооны жагсаалтаас нэр нь хасагдаж босго шугам нэгээр доошилно. Босго шугам доошилсны дунд хяналтын тоонд багтсан дараагийн бүртгүүлэгчид элсэх эрхийг шилжүүлнэ.
- 6.6. Бүртгүүлэгч хяналтын тоонд багтаж элсэх эрхтэй болсноос хойш 24<sup>2</sup> цагийн дотор элсэх эрхээ баталгаажуулна. Энэ хугацаанд баталгаажуулаагүй тохиолдолд МУИС-д элсэхээс татгалзсан гэж үзэн жагсаалтын дараах бүртгүүлэгчид элсэх эрхийг шилжүүлнэ.
- 6.7. Хяналтын тоонд багтсан бүртгүүлэгч журмын 6.6-д заасан хугацаанд элсэлтийн системд нэвтэрч элсэн суралцах бүрэлдэхүүн/салбар сургуулийн ерөнхий суурь хөтөлбөрийн 1 багц цагийн төлбөрийг төлж элсэх эрхээ баталгаажуулна.
- 6.8. Элсэх эрхээ баталгаажуулсан төлбөрийг суралцагчийн сургалтын төлбөрт тооцно. Элсэх эрхээ цуцлах тохиолдолд төлбөрийг буцаан олгохгүй<sup>3</sup>.

## Долоо. Элсэгчийг бүртгэх

- 7.1. Элсэгч нь 2020 оны 08 дугаар сарын 10-21-ний хооронд ажлын цагаар Элсэлт, бүртгэлийн хэлтэст өөрийн биеэр ирж бүртгүүлнэ. Бүртгүүлэхээс өмнө <https://burtgel.num.edu.mn> цахим хаягаар нэвтэрч бүртгэлийн цахим маягт бөглөж, дараах бичиг баримтыг бүрдүүлэн ирнэ. Үүнд:
- “МУИС-д суралцагч суралцуулах гэрээ”-г элсэлтийн системээс татан авч, ар өвөргүй хэвлэнэ.
  - Иргэний үнэмлэх эсвэл түүнтэй адилтгах баримт бичиг эх хувь (төрсний гэрчилгээ, гадаад паспорт), хуулбарын хамт (ар, өвөр талыг нэг нүүрт багтаах);
  - Бүрэн дунд боловсролын гэрчилгээ эх хувь, хуулбарын хамт (ар, өвөргүй багтаан хувилсан байх, хэрэв түүнээс дээш шатны боловсрол эзэмшсэн бол гэрчлэх баримт бичгийн эх хувь, хуулбарын хамт авчрах);
  - ЭЕШ-ын батламж эх хувь, хуулбарын хамт;

<sup>2</sup> Комиссын шийдвэрээр эрх баталгаажуулах хугацааг өөрчилж болно.

<sup>3</sup> Хуваарь буцааснаар дараагийн бүртгүүлэгч хуваарь авч чадахгүйд хүрч, эрх ашиг нь хөндөгддөг тул хариуцлагатай сонголт хийлгэх үүднээс урьдчилж төлүүлдэг.



- Цээж зураг 2 хувь, оюутны үнэмлэхийн шаардлагад нийцсэн цээж зураг файл хэлбэрээр (сүүлийн 3 сард авахуулсан) эдгээр бичиг баримтыг битүүмжлэл сайтай хавтсанд хийсэн байна.

#### Найм. Элсэгчдэд олгох тэтгэлэг<sup>4</sup>

- 8.1. БСШУСЯ-наас тогтоосон Олон улсын олимпиад болон улсын олимпиадад оролцож 1-ээс 3-р байрт шалгарсан элсэгчид сургалтын төлбөрийн 50-100 хувьтай тэнцэх хэмжээний тэтгэлэг олгоно. Үүнд:
  - 8.1.1. Олон улсын олимпиадад оролцож 1-ээс 3-р байр эзэлсэн элсэгчид 100 хувь;
  - 8.1.2. Улсын олимпиадад оролцож 1-р байрт шалгарсан элсэгчид 100 хувь;
  - 8.1.3. Улсын олимпиадад оролцож 2-р байрт шалгарсан элсэгчид 75 хувь;
  - 8.1.4. Улсын олимпиадад оролцож 3-р байрт шалгарсан элсэгчид 50 хувь;
- 8.2. ЭЕШ-ын өндөр үнэлгээтэй элсэгчдэд сургалтын төлбөрийн 50 хувьтай тэнцэх хэмжээний тэтгэлэг олгоно. Үүнд:
  - 8.2.1. Суурь шалгалтад 780 буюу түүнээс дээш оноо авч Хууль зүйн сургууль, Бизнесийн сургууль, Олон улсын харилцаа, нийтийн удирдлагын сургуульд элссэн бол;
  - 8.2.2. Суурь шалгалтад 750 буюу түүнээс дээш оноо авч Шинжлэх ухааны сургууль, Хэрэглээний шинжлэх ухаан, инженерчлэлийн сургууль, Завхан сургууль, Эрдэнэт сургуульд элссэн бол;
- 8.3. МУИС-ийн Байгаль эх лицей сургуулийн төгсөгч нь суурь шалгалтад 650 болон түүнээс дээш оноо авч Шинжлэх ухааны сургуулийн Байгалийн ухааны салбар, Хэрэглээний шинжлэх ухаан, инженерчлэлийн сургуульд элссэн бол сургалтын төлбөрийн 50 хувьтай тэнцэх хэмжээний тэтгэлэг олгоно.
- 8.4. Олимпиад болон МУИС-ийн Байгаль эх лицей сургуулийн төгсөгч тус журмын 6.3-т заасны дагуу бүртгүүлснээр тэтгэлэгт хамрагдах боломжтой.
- 8.5. ШУС-ийн БУС-ын багц 2 хөтөлбөр болон ХШУИС-ийн 2+2 хөтөлбөрт элссэн элсэгчийг дэмжих бодлогоор сургалтын төлбөрийн 50 хувьтай тэнцэх хэмжээний тэтгэлэг олгоно. Дараагийн улирлаас сурлагын голч дүн 2.8 болон түүнээс дээш тохиолдолд сургалтын төлбөрийн 50 хувьтай тэнцэх хэмжээний тэтгэлгийг үргэлжлүүлэн олгоно.
- 8.6. ШУС-ийн БУС-ын багц 3, ХУС-ын багц 2, ЭС-ийн багц 2 дахь багш мэргэжлийн хөтөлбөрт элссэн элсэгч нь ЭЕШ-д 650-750 оноо авсан бол 70 хувь, 751-ээс дээш оноо авсан бол 100 хувь сургалтын төлбөрийг төрөөс эхний улиралд чөлөөлнө. Цаашид суралцагч сурлагын голч дүн 3.0 болон түүнээс дээш оноотой суралцсан тохиолдолд сургалтын төлбөрийг үргэлжлүүлэн 100 хувь олгоно.
- 8.7. Орон нутгийн салбар сургуулиуд бие даасан тэтгэлгийн нөхцөлтэй байж болно.
- 8.8. Тус журмын 8.1, 8.2, 8.3, 8.5, 8.6 дахь тэтгэлэг давхардсан тохиолдолд элсэгч аль нэгийг нь сонгоно.
- 8.9. Элсэгчид олгох тэтгэлэг нь эхний хичээлийн жилийн сургалтын төлбөрт олгогдоно<sup>5</sup>.

<sup>4</sup> Тэтгэлэг олгох үйл ажиллагаа "МУИС-д тэтгэлэг олгох нийтлэг журам"-ын дагуу зохион байгуулагдана.

<sup>5</sup> Хичээлийн жилийн нэг улиралд суралцагчид олгох мөнгөн дүнгийн хэмжээ тухайн хөтөлбөрийн 15 багц цагийн сургалтын төлбөрөөс илүүгүй байна.

## **Ес. Бакалаврын зэрэгтэй иргэн бакалаврын өдрийн хөтөлбөрт элсэх**

- 9.1. Боловсрол, шинжлэх ухааны сайдын 2013 оны 03 дугаар сарын 18-ны А/79 тоот тушаалаар батлагдсан "Оюутан элсүүлэх журам"-ын 7.1 дэх хэсгийг үндэслэн бакалавр болон түүнээс дээш боловсролын зэрэгтэй иргэнийг бакалаврын өдрийн хөтөлбөрт элсэлтийн өрөнхий шалгалтгүйгээр элсүүлэн суралцуулж болно.
- 9.2. Журмын 9.1.-д заасан иргэн <https://burtgel.num.edu.mn> хаягаар бүртгүүлнэ. Бүртгэлийг 2020 оны 05 дугаар сарын 01-ний өдрийн 09:00 цагт нээж, 06 дугаар сарын 01-ийн өдрийн 12:00 цагт хаана.
- 9.3. Бүртгүүлэгч нь тус журмын хүснэгт 1-т заасан сонгох боломжтой бакалаврын үндсэн мэргэжлийн хөтөлбөрийн жагсаалтаас сонгон бүртгүүлнэ.
- 9.4. Элсэлтийн бүртгэл нь элсэх хүсэлт гаргах, бүртгүүлэх гэсэн үе шаттай явагдана. Үүнд:
- 9.4.1. Бүртгүүлэгч нь элсэлтийн системд шаардлагатай мэдээллийг оруулж элсэх хүсэлтээ гаргана.
- 9.4.2. Бүртгүүлэхдээ элсэлтийн систем дэх анкетыг бөглөж, дараах бичиг баримтыг цахим хэлбэрээр хавсаргана. Үүнд:
- Иргэний үнэмлэх эсвэл түүнтэй адилтгах баримт бичиг (гадаад паспорт)
  - Өмнө нь эзэмшсэн бакалаврын боловсролын диплом, хавсралтын хамт (Гадаад хэл дээр бол Монгол хэлээр орчуулан нотариатаар гэрчлүүлсэн байна)
  - Цээж зураг (Сүүлийн 3 сард авахуулсан, 3x4 хэмжээтэй байх)
- 9.5. Тус журмын 4.5-д заасны дагуу бүртгэлийн хураамж төлж, элсэх эрх баталгаажуулах төлбөрийг төлнө.
- 9.6. Элсэлтийн комисс тухайн хичээлийн жилийн бакалаврын өдрийн ангид элсэгчдийн Улаанбаатар хотоос хөтөлбөрт элсүүлэх хяналтын тооны 10 хүртэлх хувьд багтаан элсүүлнэ.
- 9.7. Бүртгүүлэгч, хяналтын тоо, хөтөлбөрийн шаардлагаас хамаарч элсэлтийн комисс шалгалт зохион байгуулж болно.
- 9.8. Элсэх эрх олгох үйл ажиллагааг 2020 оны 06 дугаар сарын 15-ны дотор зохион байгуулна.
- 9.9. Элсэгч нь тус журмын 7.1-д заасны дагуу бүртгүүлнэ.
- 9.10. Хичээл дүйцүүлэхтэй холбоотой асуудлыг "МУИС-д хичээл дүйцүүлэх журам"-аар зохицуулна.

**Бүрэлдэхүүн/салбар сургуулийн харгалзах суурь болон дагалдах шалгалт,  
сонгох боломжтой хөтөлбөрийн жагсаалт**

УХД0072 9104399

№	БҮРЭЛДЭХҮҮН /САЛБАР СУРГУУЛЬ	ЭЛСЭЛТИЙН ЕРӨНХИЙ ШАЛГАЛТ		СОНГОХ БОЛОМЖТОЙ БАКАЛАВРЫН ҮНДСЭН МЭРГЭЖЛИЙН ХӨТӨЛБӨР
		“Суурь” шалгалт (70%)	“Дагалдах” шалгалт (30%)	
1	ШИНЖЛЭХ УХААНЫ СУРГУУЛИЙН БАЙГАЛИЙН УХААНЫ САЛБАР /Багц 1/	<ul style="list-style-type: none"> <li>• Биологи</li> <li>• Газар зүй</li> <li>• Математик</li> <li>• Физик</li> <li>• Хими</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• Физик</li> <li>• Хими</li> </ul>	<ul style="list-style-type: none"> <li>• Аялал жуулчлал</li> <li>• Байгаль орчныг зайнлас тандан судлал</li> <li>• Биологийн нөөцийн менежмент</li> <li>• Биохими</li> <li>• Биотехнологи</li> <li>• Газар зохион байгуулалт (Төлөвлөлт, кадастр)</li> <li>• Геологи</li> <li>• Геофизик</li> <li>• Хот ба бус нутгийн төлөвлөлт</li> <li>• Экологи</li> </ul>
2	ШИНЖЛЭХ УХААНЫ СУРГУУЛИЙН БАЙГАЛИЙН УХААНЫ САЛБАР /Багц 2 <sup>6</sup> /	<ul style="list-style-type: none"> <li>• Биологи</li> <li>• Газар зүй</li> <li>• Математик</li> <li>• Физик</li> <li>• Хими</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• Физик</li> <li>• Хими</li> </ul>	<ul style="list-style-type: none"> <li>• Биологи</li> <li>• Газар зүй</li> <li>• Математик</li> <li>• Физик</li> <li>• Хими</li> </ul>
3	ШИНЖЛЭХ УХААНЫ СУРГУУЛИЙН БАЙГАЛИЙН УХААНЫ САЛБАР /Багц 3 <sup>6</sup> /	<ul style="list-style-type: none"> <li>• Биологи</li> <li>• Газар зүй</li> <li>• Математик</li> <li>• Физик</li> <li>• Хими</li> <li>•</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• Физик</li> <li>• Хими</li> </ul>	<ul style="list-style-type: none"> <li>• Багш, байгалийн ухааны боловсрол (Биологи, Газар зүй, Физик, Хими)</li> <li>• Багш, математикийн боловсрол</li> </ul>
4	ШИНЖЛЭХ УХААНЫ СУРГУУЛИЙН НИЙГМИЙН УХААНЫ САЛБАР	<ul style="list-style-type: none"> <li>• Математик</li> <li>• Монголын түүх</li> <li>• Нийгмийн тухай мэдлэг</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• Физик</li> <li>• Хими</li> </ul>	<ul style="list-style-type: none"> <li>• Антропологи</li> <li>• Археологи</li> <li>• Нийгмийн ажил</li> <li>• Социологи</li> <li>• Сэтгүүлэүй</li> <li>• Сэтгэл судлал</li> <li>• Улс төр судлал</li> <li>• Эдийн засаг</li> </ul>

<sup>6</sup> Тухайн бүрэлдэхүүн/салбар сургуулийн харгалзах багцаас мэргэжлийн хөтөлбөр сонгоно.

5	ШИНЖЛЭХ УХААНЫ СУРГУУЛИЙН ХҮМҮҮНЛЭГИЙН УХААНЫ САЛБАР /Багц 1/	<ul style="list-style-type: none"> <li>• Англи хэл</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• Орос хэл</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газарзүй</li> <li>• Математик</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• Орос хэл</li> <li>• Физик</li> <li>• Хими</li> </ul>	<ul style="list-style-type: none"> <li>• Гадаад хэл, орон судлал (Араб, Америк, Испани, Итали, Их британи, Польш, Солонгос, Турк, Франц, Хятад, Чех, Япон) 1117144745</li> <li>• Гадаад хэлний орчуулга (Англи, Араб, Герман, Орос, Солонгос, Турк, Франц, Хятад, Япон)</li> <li>• Түүх</li> <li>• Урлаг судлал</li> <li>• Утга зохиол судлал</li> <li>• Философи</li> <li>• Хэл, уран зохиол (Монгол, Англи, Хятад, Япон)</li> <li>• Хэл шинжлэл (Монгол, Герман, Орос, Хятад, Япон)</li> <li>• Шашин судлал</li> </ul>
6	ШИНЖЛЭХ УХААНЫ СУРГУУЛИЙН ХҮМҮҮНЛЭГИЙН УХААНЫ САЛБАР /Багц 2 <sup>6</sup> /	<ul style="list-style-type: none"> <li>• Англи хэл</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• Орос хэл</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газарзүй</li> <li>• Математик</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• Орос хэл</li> <li>• Физик</li> <li>• Хими</li> </ul>	<ul style="list-style-type: none"> <li>• Багш, гадаад хэлний боловсрол (Англи, Орос)</li> <li>• Багш, монгол хэл-уран зохиолын боловсрол</li> <li>• Багш, нийгмийн ухааны боловсрол</li> </ul>
7	ШИНЖЛЭХ УХААНЫ СУРГУУЛИЙН ХҮМҮҮНЛЭГИЙН УХААНЫ САЛБАР /Орос хэлний бэлтгэл хөтөлбөр/ <sup>*</sup>	<ul style="list-style-type: none"> <li>• Орос хэл</li> <li>• Биологи</li> <li>• Газар зүй</li> <li>• Математик</li> <li>• Монголын түүх</li> <li>• Нийгмийн тухай мэдлэг</li> <li>• Физик</li> <li>• Хими</li> </ul>	<ul style="list-style-type: none"> <li>• Англи хэл</li> <li>• Орос хэл</li> <li>• Биологи</li> <li>• Газар зүй</li> <li>• Математик</li> <li>• Монголын түүх</li> <li>• Нийгмийн тухай мэдлэг</li> <li>• Физик</li> <li>• Хими</li> </ul>	<ul style="list-style-type: none"> <li>• Орос хэлний бэлтгэл хөтөлбөр /ОХУ-ын их, дээд сургуульд элсэх хэлний бэлтгэлийг хангах зорилготой нэг жилийн хөтөлбөр/</li> </ul>
8	ХЭРЭГЛЭЭНИЙ ШИНЖЛЭХ УХААН, ИНЖЕНЕРЧЛЭЛ- ИЙН СУРГУУЛЬ	<ul style="list-style-type: none"> <li>• Биологи</li> <li>• Математик</li> <li>• Физик</li> <li>• Хими</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монгол хэл</li> <li>• Физик</li> <li>• Хими</li> </ul>	<ul style="list-style-type: none"> <li>• Байгаль орчныг хамгаалах технологи</li> <li>• Био-инженерчлэл</li> <li>• Компьютерийн сүлжээ</li> <li>• Компьютерийн ухаан</li> <li>• Материал судлал</li> <li>• Мэдээллийн систем</li> <li>• Мэдээллийн технологи</li> <li>• Нано шинжлэх ухаан, инженерчлэл</li> <li>• Ойн аж ахуй</li> <li>• Програм хангамж</li> <li>• Статистик</li> <li>• Сүлжээний технологи</li> <li>• Сэргээгдэх эрчим хүч</li> <li>• Уур амьсгал судлал</li> <li>• Ус судлал</li> <li>• Химийн инженерчлэл</li> <li>• Хүрээлэн буй орчин судлал</li> <li>• Хүрээлэн буй орчны инженер</li> <li>• Хэрэглээний математик</li> <li>• Хэрэглээний хими</li> <li>• Цаг уур</li> </ul>

				<ul style="list-style-type: none"> <li>• Цөмийн инженерчлэл</li> <li>• Электроник</li> </ul>
9	ХЭРЭГЛЭЭНИЙ ШИНЖЛЭХ УХААН, ИНЖЕНЕРЧЛЭЛ- ИЙН СУРГУУЛЬ /2+2 хөтөлбөр/	<ul style="list-style-type: none"> <li>• Биологи</li> <li>• Математик</li> <li>• Физик</li> <li>• Хими</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монгол хэл</li> <li>• Физик</li> <li>• Хими</li> </ul>	<p style="text-align: right;">1117144746 УХД00729104399</p> <ul style="list-style-type: none"> <li>• Ойн аж ахуй</li> <li>• Хүрээлэн буй орчин судлал</li> <li>/ХШУИС болон Эрдэнэт сургуулийн дотоодын хамтарсан хөтөлбөр/</li> </ul>
10	БИЗНЕСИЙН СУРГУУЛЬ	<ul style="list-style-type: none"> <li>• Математик</li> </ul>	<ul style="list-style-type: none"> <li>• Англи хэл</li> <li>• Нийгмийн тухай мэдлэг</li> <li>• Орос хэл</li> </ul>	<ul style="list-style-type: none"> <li>• Аялал жуулчлалын менежмент</li> <li>• Банк</li> <li>• Даатгал</li> <li>• Маркетинг</li> <li>• Менежмент</li> <li>• Нягтлан бодох бүртгэл</li> <li>• Санхүү</li> <li>• Худалдаа</li> </ul>
11	ХУУЛЬ ЗҮЙН СУРГУУЛЬ	<ul style="list-style-type: none"> <li>• Нийгмийн тухай мэдлэг</li> </ul>	<ul style="list-style-type: none"> <li>• Математик</li> </ul>	<ul style="list-style-type: none"> <li>• Эрх зүй</li> </ul>
12	ОЛОН УЛСЫН ХАРИЛЦАА, НИЙТИЙН УДИРДЛАГЫН СУРГУУЛЬ	<ul style="list-style-type: none"> <li>• Англи хэл</li> <li>• Монголын түүх</li> <li>• Орос хэл</li> </ul>	<ul style="list-style-type: none"> <li>• Математик</li> <li>• Монгол хэл</li> <li>• Нийгмийн тухай мэдлэг</li> </ul>	<ul style="list-style-type: none"> <li>• Олон улсын харилцаа</li> <li>• Төрийн удирдлага</li> </ul>
13	ОЛОН УЛСЫН ХАРИЛЦАА, НИЙТИЙН УДИРДЛАГЫН СУРГУУЛЬ /2+2 хөтөлбөр**/	<ul style="list-style-type: none"> <li>• Англи хэл</li> <li>• Монголын түүх</li> <li>• Орос хэл</li> </ul>	<ul style="list-style-type: none"> <li>• Математик</li> <li>• Монгол хэл</li> <li>• Нийгмийн тухай мэдлэг</li> </ul>	<ul style="list-style-type: none"> <li>• Олон улсын харилцаа</li> <li>• Төрийн удирдлага</li> <li>/ОУХНУС болон Эрдэнэт сургуулийн дотоодын хамтарсан хөтөлбөр/</li> </ul>
14	ОЛОН УЛСЫН ХАРИЛЦАА, НИЙТИЙН УДИРДЛАГЫН СУРГУУЛЬ /2+2 хөтөлбөр**/	<ul style="list-style-type: none"> <li>• Англи хэл</li> <li>• Монголын түүх</li> <li>• Орос хэл</li> </ul>	<ul style="list-style-type: none"> <li>• Математик</li> <li>• Монгол хэл</li> <li>• Нийгмийн тухай мэдлэг</li> </ul>	<ul style="list-style-type: none"> <li>• Төрийн удирдлага</li> <li>/ОУХНУС болон Завхан сургуулийн дотоодын хамтарсан хөтөлбөр/</li> </ul>
15	ЗАВХАН СУРГУУЛЬ	<ul style="list-style-type: none"> <li>• Англи хэл</li> <li>• Математик</li> <li>• Монгол хэл</li> <li>• Нийгмийн тухай мэдлэг</li> <li>• Физик</li> <li>• Хими</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монголын түүх</li> <li>• Монгол хэл</li> <li>• Нийгмийн тухай мэдлэг</li> <li>• Орос хэл</li> <li>• Физик</li> <li>• Хими</li> </ul>	<ul style="list-style-type: none"> <li>• Банк</li> <li>• Маркетинг</li> <li>• Менежмент</li> <li>• Нягтлан бодох бүртгэл</li> <li>• Санхүү</li> <li>• Худалдаа</li> </ul>
16	ЭРДЭНЭТ СУРГУУЛЬ /Багц 1/	<ul style="list-style-type: none"> <li>• Англи хэл</li> <li>• Орос хэл</li> <li>• Монгол хэл</li> <li>• Математик</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монголын түүх</li> <li>• Монгол хэл</li> <li>• Нийгмийн тухай мэдлэг</li> <li>• Орос хэл</li> <li>• Физик</li> <li>• Хими</li> </ul>	<ul style="list-style-type: none"> <li>• Гадаад хэлний орчуулга</li> <li>• Банк</li> <li>• Даатгал</li> <li>• Маркетинг</li> <li>• Менежмент</li> <li>• Нягтлан бодох бүртгэл</li> <li>• Санхүү</li> </ul>

17	ЭРДЭНЭТ СҮРГУУЛЬ /Багц 2 <sup>6</sup> /	<ul style="list-style-type: none"> <li>• Англи хэл</li> <li>• Орос хэл</li> <li>• Монгол хэл</li> <li>• Математик</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монголын түүх</li> <li>• Монгол хэл</li> <li>• Нийгмийн тухай мэдлэг</li> <li>• Орос хэл</li> <li>• Физик</li> <li>• Хими</li> </ul>	<ul style="list-style-type: none"> <li>• Багш, гадаад хэлний боловсрол (Англи)</li> <li>• Багш, монгол хэл-уран зохиолын боловсрол</li> </ul> <p style="text-align: right;">1117144746</p>
----	---	--	---	--

### Тайлбар:

Орос хэлний бэлтгэл хөтөлбөр\* нь БСШУСЯ-ны зөвшөөрөлтэйгээр ОХУ-ын их, дээд сургуулийн бэлтгэлийг хангах зорилготой нэг жилийн тусгай хөтөлбөр. Элсэгч нэг жил сураад хавар нь ОХУ-ын их, дээд сургуульд элсэх уралдаанд шалгалт өгөх бөгөөд тэнцээгүй тохиолдолд МУИС-ийн ШУС-ийн Хүмүүнлэгийн ухааны салбарын ерөнхий суурь /1-р түвшин/-д суралцана.

2+2 хөтөлбөр\*\* -т элссэн суралцагч эхний хоёр жил орон нутгийн салбар сургууль (Завхан сургууль, Эрдэнэт сургууль)-д “Ерөнхий суурь хичээл”-ийг бүрэн, зарим “Мэргэжлийн суурь” амжилттай судалж, бусад хичээлийг Улаанбаатар дахь бүрэлдэхүүн сургууль (ОУХНУС, ХШУИС)-д судална.

МУИС-д элсэхийг хүссэн иргэн хүснэгт 1-т заасан бүрэлдэхүүн/салбар сургуульд бүртгүүлэх бөгөөд ЭЕШ-ын шалгалтын оноогоороо хяналтын тоонд багтан элсэх эрхээ баталгаажуулсан тохиолдолд МУИС-ийн оюутан болно. Элсэгч нь МУИС-ийн “Бакалаврын түвшний оюутны мэргэжлийн хөтөлбөр сонгох журам”-ын дагуу нэг жил суралцсаны дараа тухайн бүрэлдэхүүн/салбар сургуулийн бакалаврын бүх хөтөлбөрөөс мэргэжлийн хөтөлбөр сонгон суралцах бөгөөд цуглуулсан багц цаг, сурлагын дүн, анх элсэхээр тооцуулсан ЭЕШ-ын оноо өндөр байх тусам мэргэжил сонгоходо давуу эрх эдэлнэ. Түүнчлэн зарим хөтөлбөрийн хувьд бэлтгэж буй мэргэжил, шинжлэх ухааны онцлогоос хамаарч оюутанд тусгай шаардлага тавина.

МУИС-д элссэн оюутан нь өөрийн сонгосон үндсэн мэргэжлээс гадна “Хавсарга мэргэжил”, “Хос мэргэжил”-ээр сонгон суралцах боломжтой. Жишээлбэл ШУС-д Физик мэргэжлээр суралцаж байгаа оюутан Бизнесийн сургуулийн Менежмент хөтөлбөрөөр хавсарга мэргэжил эзэмших болно.

\*\*\* \*\*\* \*\*\*

## Олимпиадын нөхцлөөр элсүүлэх

№	Бүрэлдэхүүн сургууль/салбар	Олимпиадын чиглэл	Элсүүлэх нөхцөл
1	Шинжлэх ухааны сургууль-Байгалийн ухааны салбар	<ul style="list-style-type: none"> <li>• Биологи</li> <li>• Газарзүй</li> <li>• Математик</li> <li>• Физик</li> <li>• Хими</li> </ul>	Оролцогч <sup>7</sup>
2	Шинжлэх ухааны сургууль-Нийгмийн ухааны салбар	<ul style="list-style-type: none"> <li>• Математик</li> <li>• Нийгмийн Ухаан</li> <li>• Түүх</li> </ul>	1-ээс 3-р байр
3	Шинжлэх ухааны сургууль-Хүмүүнлэгийн ухааны салбар	<ul style="list-style-type: none"> <li>• Англи хэл</li> <li>• Монгол хэл</li> <li>• Орос хэл</li> <li>• Түүх</li> <li>• Хятад хэл</li> <li>• Монголын сайхан бичигтэн<sup>8</sup></li> </ul>	1-ээс 3-р байр
4	Хэрэглээний шинжлэх ухаан, инженерчлэлийн сургууль	<ul style="list-style-type: none"> <li>• Биологи</li> <li>• Газарзүй</li> <li>• Математик</li> <li>• Физик</li> <li>• Хими</li> <li>• Мэдээлэл зүй</li> <li>• Техник технологи</li> </ul>	Оролцогч <sup>7</sup>
5	Бизнесийн сургууль	<ul style="list-style-type: none"> <li>• Математик</li> <li>• Сэтгэх чадвар</li> </ul>	1-ээс 3-р байр
6	Олон улсын харилцаа, нийтийн удирдлагын сургууль	<ul style="list-style-type: none"> <li>• Англи хэл</li> <li>• Орос хэл</li> <li>• Түүх</li> <li>• Математик</li> <li>• Нийгмийн ухаан</li> </ul>	1-ээс 3-р байр
7	Хууль зүйн сургууль	<ul style="list-style-type: none"> <li>• Нийгмийн ухаан</li> </ul>	1-ээс 3-р байр
8	Завхан сургууль	<ul style="list-style-type: none"> <li>• Англи хэл</li> <li>• Математик</li> <li>• Нийгмийн ухаан</li> <li>• Орос хэл</li> <li>• Физик</li> </ul>	Оролцогч <sup>7</sup>
9	Эрдэнэт сургууль	<ul style="list-style-type: none"> <li>• Англи хэл</li> <li>• Орос хэл</li> <li>• Монгол хэл</li> <li>• Математик</li> </ul>	Оролцогч <sup>7</sup>

<sup>7</sup> Улсын олимпиадын төгсгөлийн шатанд оролцсон оролцогчид хамаарна.<sup>8</sup> Монголын сайхан бичигтэн улсын уралдааны 1-ээс 3-р байрт шалгарсан ерөнхий боловсролын сургуулийн төгсөгчийг Шинжлэх ухааны сургуулийн Хүмүүнлэгийн ухааны салбарт шууд элсүүлэн суралцуулна.